

[FLASH NOTES]

DIURETICS

(Introduction, Thiazides & Loop diuretics)

ان شاء الله النهاردة هناخد جزء الdiuretics, السنة اللي فاتت كده كانوا عملوا احصائيات عن الأسئلة اللي بتتسئل في الoral, لقوا ان الdiuretics كانت من أكثر الموضوعات دي. اللي يحب يتابع من الكتاب فهي مكتوبة بشكل واضح السنة دي.

:Physiology of kidney

أول صفحة احنا مش هنتكلم عنها خالص: هي عبارة عن physiology of kidney, مش عايز أقلب عليكموا المواجه بس اللي عايزك تفتكره بشكل مبسط هو

شكل النيفرون [nephron](#) بتاع الkidney:

كلكوا عارفين طبعا النيفرون nephron, هنا بيبقي فيه afferent arteriole و glomerulus و efferent arteriole, وعندنا Bowman's capsule, وبعدين عندنا جزء مهم أوي هو proximal convoluted tubule (PCT) وده بيحصل فيه reabsorption لجزء كبير أوي من الNa⁺ اللي حصله filtration, معظم الصوديوم يرجع لوحده كده ولكن فيه جزء من الصوديوم يرجع عن طريق enzyme كلكوا عارفينه, اسمه carbonic anhydrase enzyme.

بعد كده عندنا loop of Henle اللي هو عبارة عن descending limb وده الجزء اللي بيعمل reabsorption للمية بس من غير ما يدخل معاها لا صوديوم ولا بوتاسيوم ولا حاجة, بعد كده عندنا ascending limb اللي فيه جزء معين كده اسمه medullary part, وده بيحصل فيه عكس اللي حصل في descending limb, بيحصل reabsorption للصوديوم والبوتاسيوم و 2 Cl⁻ لو انت فاكرو, وفيه خاصية كده اسمها counter current multiplier, دي اللي بتخلي الosmolarity بتاعة المكان ده عالية شوية فتبتدي تسحب مية من الdistal convoluted tubule.

الجزء الأخير بقي اللي بنسميه (DCT) distal convoluted tubule, ده بيبقي فيه بردو استمرار لحكاية الNa⁺ reabsorption, في كل الأماكن بتاعة الdistal tubule بيبقي فيه صوديوم كتير أوي يرجع من غير ما يبغي مرتبط بشغل hormones؛ لكن فيه جزء من الصوديوم يرجع نتيجة الaction of aldosterone:

الaldosterone كلكوا فاكروين وهفكركو ان شاء الله المحاضرة الجاية انه بيعمل Na⁺ reabsorption وراه طبعا الCl⁻ passively, وبيمنزل في المقابل K⁺ وشوية H⁺. الجزء الأخير ده الcollecting tubule, ده غالبا ميهمناش لأنه مكان شغل الantidiuretic hormone (ADH) اللي هو بيعمل حاجة كلكوا عارفينها اسمها facultative water reabsorption, يعني يرجع مية علي حسب احتياجات الجسم: اذا كنت في مرحلة صيام أو عطش يرجع مية كتير, لكن لو فيه hydration كويس مبيطلعش ADH.

VISIT...

LANZAROTE
Caliente.COM

Diuretics

نيجي بقي للموضوع الأساسي بتاعنا اللي هو مجموعة الـ diuretics, التعريف بتاعها: Drugs that increase urine volume or urine output. يعني ان أنا أحسب الـ urine volume في 24 ساعة فألاقي الـ volume ابتدي يزيد نتيجة استعمال ادوية بيسموها الـ diuretics هتزداد الكلام ده ازاي؟ هل هتزداد عن طريق ان أنا أزود electrolytes excretion ولا water excretion ولا الاتنين؟ هنعرف ان شاء الله ان ده هيبقي علي حسب نوع الـ diuretic.

:Classification

دي تقسيمة مهمة بقي عايزين نركز فيها شوية. التقسيمة بتاعتنا في الكتاب منقسمة الي مجموعتين كبار:

1. Extra-renal diuretics :

أو في بعض الكتب pre-renal diuretics: والمقصود بيها أدوية هتزداد الـ urine volume من غير ما تشتغل بشكل مباشر علي الـ nephron of kidney.

2. True diuretics :

اللي هي بيسموها renal diuretics اللي هي بتبقي direct-acting diuretics. بتشتغل عال nephron of the kidney

:Renal diuretics

لما نيجي نقسمها هيبقي فيه مجموعة اسمها Natriuretics : أو بيسموها في بعض الكتب Saluretics.

ليه سموها كده بقي؟

فاكر انت ان Natrium دي معناها صوديوم, يبغي هما الأساس في شغلهم انهم بينزلوا الصوديوم في الـ urine والصوديوم ياخذ وراه المية.

أمال ايه كلمة Saluretics دي؟

Sal باللاتيني معناها ملح, نفس المعنى ان أنا بنزل ملح بيجر معاه بالـ osmotic effect بتاعه المية فبيحصل diuretic action.

:Osmotic diuretics renal diuretics اسمها

وده مش معتمد علي اني أنا أنزل ملح, هو الدوا نفسه ليه osmotic effect, بينزل في الـ urine وبيحصله filtration في الـ nephron ويفضل قاعد في الـ nephron من غير ما يبغي reabsorbed وياخذ المية وراه, وعندنا أشهر مثال عليه كلكوا سمعته في الـ general اسمه Mannitol.

المجموعة التالته مبقتش مهمة خالص واحتمال ما نقولهاش وتتلغي, بس احنا هنعرفها, اسمها Acidifying diuretics وأشهر دوا فيها اسمه Ammonium chloride اللي هو NH₄Cl, سمعته قبل كده, هو كـ diuretics بطلو يستعملوه هو ليه استعمال weak diuretic وبنقول عليه self limiting, يعني بعد شوية كده هيفقد مفعوله.

سمعنا امتى بقي عن NH_4Cl ؟
الاستعمال الأهم في الطب حاليا هو acidification of urine لو انا عايز أعالج تسمم دوا
Ephedrine & Amphetamine زي basic.

:Natriuretics

تعالى بقي للمجموعة المهمة أوي دي، بيتقسموا حسب efficacy بتاعتهم أو علي حسب
قدرتهم أنهم يزودوا urine volume، هيبقي فيه مجموعة اسمها high efficacy
(diuretics) (high ceiling) وهقولك ان شاء الله كلمة ceiling دي ايه سببها.

1. High efficacy diuretics

ال high efficacy diuretics الموجودين في الطب حاليا هي مجموعة بنسُميها loop
diuretics وأشهر دوا فيها اسمه Frusemide اللي هو اسمه التجاري Lasix، اللي هو
أعتقد كل البشر عارفينه.

واضح بقي ان المجموعة دي بتشتغل علي loop of Henle وعلي الجزء ده اللي سميناه
thick segment، هنعرف ان شاء الله انها بتمنع Na^+ , K^+ & Cl reabsorption -
ومش هيسيبوا النفرون ويخرجوا بره، هيفضلوا قاعدين جوه النفرون وهيكملوا الطريق
واخدين وراهم المية لحد ما يحصل diuresis، ييقي دي أقوى مجموعة حاليا.

2. Moderate efficacy diuretics

دي مجموعة أضعف شوية، اللي هي بتشمل أدوية كده علي بعضها سميناه Thiazide،
وأدوية اسمها Thiazide analogues، وكلمة analogues معناها شبه مش كدة هما شبه
Thiazide action ولكن مختلفين في الكيمياء.

بيشتغلوا فين بقي ال Thiazides؟ بيشتغلوا علي الجزء ده اللي بيقولوا عليه proximal
part of DCT، بيمنعو ال Na reabsorption من المكان ده
خلي بالك في MCQ، انت لما بتلاقي كلمة proximal و distal بتروح مجاوب علي طول، هي
المشكلة أنهم بيشتغلوا علي أول جزء في ال distal ولكن مش بيشتغلوا علي ال proximal.
استفدت منهم ايه؟

نفس الحكاية، منعت رجوع الصوديوم، كان فيه شوية من الصوديوم هنا تقريبا 10% كانت
هترجع للدم تاني، أنا منعت الرجوع ففضل الصوديوم ده قاعد محبوس جوا ال nephron،
اخذ معاه المية واخذ معاه ال Cl - وحصل مايسمي بال diuretic effect.

3. Low efficacy diuretics

دي المجموعة الأخيرة وبيسموها weak diuretics، دول غالبا بيشتغلوا علي ال DCT،
وهنسمع وقتها أنهم اسمهم اسم ظريف أوي، ببسموهم K^+ sparing/retaining/
conserving diuretics، يعنى بيحافظوا علي مستوي البوتاسيوم في الدم.
الأدوية دي هنقسمها ان شاء الله لمجموعتين:

مجموعة اسمها Aldosterone antagonists :

بيمنعوا شغل ال aldosterone زي دوا اسمه Spironolactone،

ومجموعة ثانية اسمها Non-aldosterone antagonists :

يُعملوا نفس action بالظبط بس من غير ما compete مع aldosterone,

فيهم دوا اسمه Triamterene ودوا اسمه Amiloride

بنحط معاها مجموعة اسمها Carbonic anhydrase (C.A.) inhibitors:

انت خدت بالك ان carbonic anhydrase ده كان ليه دور في انه يقدر يرجع الـ Na^+ من الـ PCT وشوية من الـ DCT كمان؟

لو أنا منعت الـ enzyme ده يبقى أنا خليت الـ Na^+ ميرجعش، يبقى عملت شوية diuretic effect, بردو حاليا في الطب Carbonic anhydrase inhibitors لا يستخدموا كـ diuretics, للأسف هما بردو ضعاف وبيتقال عليهم self limiting, لكن ليهم استعمالات ثانية يعني لو حبيت أشرحهم أو اضطريت أشرحهم هنقول other uses, بيعالجوا الـ glaucoma وبيتأخدوا عشان أخلي الـ urine يبقى alkaline.

كتاب القسم كاتبلك ملحوظة كده في الآخر: Diuretics in common use:

هما دول اللي ان شاء الله هنركز عليهم، المرة اللي فاتت د. عبد الفتاح مرعى مطلبش غيرهم في الامتحان (بيجوا نظري وشفوي MCQ)، يعني قال للطلبة كده هما دول اللي عليكم والباقي لأ.

اللي هي مجموعة Thiazide والـ analogues بتاعتهم:

واتفقنا ان دول of moderate efficacy وانهم بيشغلوا علي أول جزء من الـ PCT، والمجموعة نمرة 2 هي loop diuretics اللي هي of high efficacy أو أقوى مجموعة موجودة، وفيه بقي كمان K^+ retaining والـ Mannitol وده دوا مهم جدا وهو بيستخدم في الطب كثير، يبقى هم دول الأدوية اللي بتستخدم.

الـ self-limiting diuretics معدناش بنستخدمهم لأنهم بيوقفوا شغل أنفسهم، اللي هما Acidifying و Ammonium chloride، زي Acetazolamide ده C.A. inhibitor. قبل ما انسي بقي فيه curve عندك مرسوم، هتلاقيه الـ curve بتاع زمان بتاع الـ general اللي هو Dose-Response curve of the drug، عشان اقولك هما ليه سموهم high, low & moderate efficacy.

لما بيعملوا dose-response curve والناس الشاطرة أوي عارفة ان احنا بنعمل حاجة اسمها log dose مش الـ dose نفسها، كل ما ييزيد الدوا ييزيد الـ response بتاعه لحد ما يوصل لحاجة اسمها E_{max} ، الـ maximum response بتاع الدوا، لو أنا قارنت الـ مجموعات هبص ألقى الـ loop diuretics الأول وبعدين Thiazide و Thiazide analogues وبعدين ألقى K^+ sparing.

ليه بقي سموها high ceiling؟

هو ceiling بالانجليزي معناها ايه؟ السقف، بصوا كده السقف بتاع الدوا أخباره ايه؟ عالي في الـ loop diuretics وبتاع الـ Thiazide متوسط وبتاع الـ K^+ sparing واطي، يعني كلمة ceiling هنا المقصود بيها E_{max} بتاع الدوا. كده خلصنا مقدمة الـ diuretics.

:Thiazide diuretics

اسمها الكيميائي (Benzothiadiazines), مش مهم.
قبل ما نبص علي diagram والجدول عايز أقولك كلمتين زيادة عشان مهمين.

:Source

هو synthetic, وكل diuretics كده.

:Chemistry

دي مهمة بس مش كشكل الكيميا والرمز الكيميائي وكده, لأ, لكن معلومة مهمة أوي ان ال
Thiazide ← chemically-related to Sulfonamides.

ايه بقي قيمة المعلومة دي؟ الـ sulfonamides لما تسمعها كده في الطب يبقى لازم يبجي في
ذهنك انه من أقوى الأدوية اللي ممكن تعمل allergy أو hypersensitivity reaction.
يبقي أنا متوقع اني ألاقى ناس عندهم allergy للـ Thiazide لأن جسمهم is allergic to Sulfonamides.

أقولك حاجة كده وتقولني معناها ايه؟ أنا عندي allergy للـ Sulfal, لو أخذت Thiazide (أول
مرة اخده في حياتي) جالي أعراض allergy, ده اسمه ايه؟ أخذت دوا شبه دوا أنا allergic
ليه فحصل حاجة بيسموها cross allergy.

يبقي العيان اللي عنده allergy للـ Sulfonamides هتقوله ايه بقي؟
ممنوع ياخذ Thiazide لأن فيه تشابه في الكيميا قد يؤدي الي allergic reaction.
النقطة الثانية في الـ Sulfonamide مش مهمة أوي, لكن لقوا انها بتinhibit carbonic
anhydrase enzyme وده دوره في +Na مش عالي لكن ممكن يزود diuretic effect
of the drug.

يبقي قاعدة كده, ما دام لقيت الدوا ده Thiazide شبه الـ Sulfonamides يبقى ممكن
يحصل cross allergy وشغله diuretic هيعلي شوية كمان.

:Pharmacokinetics

أنا عارف انه مش مكتوب, بس عايز أقولك انها فيها نقط مهمة, معلش استحملني فيها,
كلها كلام سهل أوي.

:Absorption 1.

Well-absorbed orally, وعايز أقولك ان معظم الـ Thiazides اللي موجودة في الطب are
given only orally, يعني معندناش منها injection.
فرقت معاك في حاجة كطبيب بقي؟ أنا عارف ان الأدوية دي بتتاخد oral وأي دوا بيتاخذ
oral بيشتغل متأخر, يبقى دايمًا ليه delayed onset.
يبقي مين العيان اللي هياخذ Thiazide؟ العيان اللي عنده حاجة chronic or acute؟
chronic.

2. Distribution:

مش هوجع دماغكوا خالص BBB و plasma proteins والكلام ده، أنا هقولك نقطة واحدة وهي ان Thiazide diuretics can pass placental barrier, وفيه كلام انهم induce teratogenicity.

كلمة teratogenic دي سمعتها زمان في ال general؟ مش كده؟ دي معناها ان الدواء ده بيعمل fetal malformation.

كان ليها اسم أحلي وهو fetotoxic.

فيه كام عيان كده ممنوع ياخدوا Thiazide؟ اللي عنهم allergy للسulfal أو الحوامل.

3. Fate:

مصير المجموعة دي، بص علي شكل nephron كده.

الأدوية دي بيحصلها حاجة سمعتها في ال general اسمها active tubular secretion, بيتنقلوا من الدم into lumen of DCT.

عشان يشتغلوا into lumen of PCT they should be secreted.

بيشتغلوا ازاى بقي؟ هما نزلوا في ال lumen بتاع النفرون وهيفضلوا ماشيين في ال lumen لحد ما يوصلوا للمكان ده (أول جزء من ال DCT) ويمنعوا ان Na^+ يحصله reabsorption. طب فكر معايا بقي:

ده اسمه active tubular secretion يعنى against conc. Gradient ومحتاج energy carrier اللي هو بيسموه دلوقتى اسم شيك كده، بيسموه transporter، ارجع كده بالذاكرة لل general هتلاقي ربنا خلق لل acidic compounds و basic compounds لل transporters.

الدوا ده is an acidic compound، أنا بقولك الكلام ده ليه بقي؟

هو ربنا خلق ال carrier ده عشان يشيل Thiazide؟

لأ، عشان يشيل حاجة endogenous، عارف بيشيل ايه؟ بيشيل حاجة اسمها uric acid. فهمتوا حاجة؟ طبيعي ال uric acid ده هنعرف ان شاء الله ان جزء منه بيحصله filtration وجزء بيرجع وجزء بيحصله active transport، الجزء اللي بيحصله active transport ده بيتشال ب carrier، لو اديت Thiazide لأي بنى ادم فكر معايا بقي هيجصل ايه؟ competition.

ايه المحصلة؟

ال Thiazide هو اللي هينزل في ال lumen، ودي حاجة كويسة ولا وحشة؟ حاجة كويسة جدا لأنهم مش هيشغلوا غير لما ينزلوا في ال lumen بتاع ال nephron. أمال ايه العيب بقي؟ ال uric acid مش هيعرف ينزل في ال urine، يعنى هيزيد في ال blood ويعمل حاجة اسمها hyperuricemia.

امتى يعمل مشكلة؟ لما يترسب في المفاصل ويعمل مرض اسمه Gout. بقوا كام عيان مياخدوش Thiazide؟ 3، اللي عنده allergy للدوا ده أو للسulfal، والحوامل، واللي عنده hyperuricemia أو gout.

طب اخر حاجة بقي في الجزء ده, فاكرين دوا اسمه Probenecid؟ ده دوا acidic كان موجود زمان في الgeneral في الجزء بتاع الexcretion, وقالى انه لما بيتاخد بيمنع نزول الacidic drugs in urine, وكان مدينى مثالين لThiazide & Penicillin. فكر كده, Probenecid مع Penicillin حلو ولا وحش؟ الProbenecid هو اللي هينزل في الurine والPenicillin هيفضل قاعد في الدم, كان من ضمن الطرق اللي بنزود بيها الduration بتاعة الدوا. يبقى حاجة كويسة طب الأهم بقي النهاردة, Probenecid مع Thiazide أخباره ايه؟ قاعد الThiazide في الدم, انت فرحان انه قاعد في الدم؟! لأ, عشان مش هيشغل غير لما يحصله secretion في الlumen.

:Pharmacodynamics

:Mechanism of action

مش واضح بس هو بيعمل ايه؟ المفروض ان الجزء ده كان بيحصل فيه reabsorption of Na^+ , الThiazide نزل جوه الlumen of nephron وفضل ماشي لحد ما وصل للمكان ده ومنع الreabsorption, لكن كـmechanism يعنى مفيش حاجة واضحة أوي.

:Actions

تعالى بقي ناخد الactions بتاعة الdrug ده الأول وبعدين نتكلم فيها.
* أول action ليه طبعا هو الaction المتوقع: Diuretic action, وهقولاه بالتفصيل ان شاء الله.

* بس لما تقلب كده هتلاقى نمرة اتنين صدمة عصبية! نمرة اتنين اسمها anti diuretic action! وده action مش هيجصل الا في بنى ادم واحد بس عنده مرض اسمه Diabetes insipidus.

* الaction التالت مهم أوي, فيه ناس بتعتبره أهم action للthiazide وهو انه anti hypertensive, الdiuretics مجموعة مهمة أوي في علاج الضغط.

* الaction الرابع هو hyperglycemia, الدوا ده بيعلي blood glucose, ايه رأيك في اللي عنده سكر؟ وحش لأنه هيعاكس أدوية السكر ويعلي blood glucose.
* الدوا ده بيعمل hyperlipidemia.

* الدوا ده بيعمل hyperuricemia وانت عرفت السبب ازاي بيزود الuric acid فى الدم.

بعد ال6 actions اللي انت سمعتهم دول, نرجع بقي لأهم action فيهم (Diuretic):

مش عايز أكبر الموضوع أكثر ما هو كبير, بس لما تتكلم علي diuretic قولي الاتي:

* قولي مكان شغله.

* قولي الefficacy.

* قولي بالمره هو بيشغل بسرعة ولا بيشغل متأخر ولا ايه بالظبط؟ يعنى قولي onset & duration.

1. Site of action

في proximal part of DCT.

2. Potency

Moderate.

3. Onset

متأخر شوية عشان بيتاخذ oral.

4. Duration

هقولك بعد شوية ان فيه حاجات long acting وحاجات short acting, فيه حاجات تقعد 24 ساعة وحاجات تقعد 6 ساعات.

عرفنا زي ما في نمرة واحد في الكتاب انه

Thiazides must be secreted into lumen of PCT to act from inside the nephron,

وان Probenecid antagonizes their action.

ومكان شغلهم عرفناه, قبل ما أدي Thiazide كان بيرجع حوالي 10% من Na^+ , وكان بيرجع معاه Cl^- ومية passively, لما اديت Thiazide وقفت Na^+ reabsorption وغصب عنك الـ Cl^- والمية مش هيرجعوا هما كمان.

هيروحوا فين بقي كلهم؟

هيفضلوا قاعدين في النفرون لحد ما ينزلوا كلهم في urine.

عد معايا بقي:

Na^+ في urine اخباره ايه لما اديت Thiazides؟

عالي, بيسموها Natriuresis لأن الصوديوم نازل في urine.

انت عشان المذاكرة تبقي سهلة, صوديوم نازل كتير في urine ومرجعش في الدم يبقي أخبار الصوديوم في الدم ايه؟ hyponatremia.

ايه أخبار المية؟

نزلت فين زيادة؟ في urine, اسمها diuresis, أmaal الدم أخباره ايه؟ المية قلت يبقي فيه hypovolemia.

هتبقى severe ولا moderate hypovolemia؟ moderate لأن الدواء ده كان moderate diuretic.

ايه أخبار الـ Cl^- ؟ مرجعش ونزل في urine, يبقي الـ Cl^- زاد في urine, ممكن أسميها chloruresis, وأخباره ايه في الدم؟ قل, فيسموها hypochloremia.

تعالى بقي للحنة الصعبة شوية, حنة فسيو, هو الفسيو المفروض ان جزء من Na^+ بيرجع من المكان ده اللي هو أول جزء في DCT وجزء من Na^+ بيرجع من بقية الـ DCT, يعنى المكان الأخير من الـ DCT متعود يجيله شوية صوديوم قليلين.

ليه ؟

عشان بيكون معظم الصوديوم حصله reabsorption خلاص
 طيب هو يرجع شوية ال Na^+ القليلين وينزل مين في المقابل؟ K^+ mainly وشوية H^+ .
 سيادتكم عملت ايه لما ادبت Thiazide؟ الصوديوم الي وصل لباقي ال distal tubule أكثر
 من الأول، بيسموها بتوع الباطنة Na^+ overload، فالمكان ده حس ان فيه حمل صوديوم
 عالي جايله، فعمل ايه؟ حاول ينقذ ما يمكن انقاذه من الصوديوم.
 يعني هيحاول يرجع Na^+ وينزل في المقابل K^+ وشوية H^+ .
 النتيجة النهائية: مقدرش يرجع كل الصوديوم فالصوديوم نزل في urine كثير وسحب وراه
 المية وحصل diuretic effect، وفي نفس الوقت فقد في K^+ & H^+ urine.

يبقي الدوا ده بيعمل الاتي:

* Natriuresis.

* Hyponatremia.

* Diuresis.

* Hypovolemia.

* Chloruresis.

* Hypochloremia.

ايه رأيك في البوتاسيوم بقي؟ K^+ كثير في urine عشان يحاول يعوض وينقذ ال Na^+
 بدل ما ينزل في urine، فيحصل حاجة اسمها kaluresis و hypokalemia، وفي الكتاب
 كده بضخملك ال hypokalemia لأنها أسوأ عيب.

طب أخبار ال H^+ ايه؟

نزل في urine، بيبقي acidic urine، ولما يبدأ H^+ يقل في الدم وال bicarbonate زي ما
 هي يعمل alkalosis في الدم.

الي مش هقدر أفسر هولاك الحقيقة أوي ال Mg^{2+} ، مكتوب في كل الكتب انه بينزل في ال
 urine excess magnesium.

فيه ناس بتقول يعني نظرية سهلة كده، ان ال Mg^{2+} ماشي مع K^+ ، معرفش بقي الكلام ده
 في الفسيو صح ولا غلط بس بيقولك ان ال K^+ نزل في urine فال Mg^{2+} ينزل معاه
 فزاد هو كمان في urine وقل في الدم فيحصل hypomagnesemia.

2- اخر حاجة بقي ال Ca^{2+} ، بيتندي يقل في urine ويتحوش في الدم
 وبردو تفسيرها صعب شوية، بس فيه ناس بتقول بيحصل Ca^{2+} compensatory
 reabsorption، يعني لما الصوديوم يقل في الدم يروح الجسم مزود Ca^{2+} reabsorption،
 يبقى الكالسيوم في urine قل وفي الدم زاد، بيبقي عمل hypercalcemia.

ال action الأخير بقي علي مستوي ال kidney انه ال Thiazide بيقل ال renal blood
 flow، تفسيرها صعب ومش عليك، لكن أنا استفدت ايه لما عرفت كده؟

أنا عندي ميزة وعيب في ال action ده.

العيب في ال action ده ايه؟

ال renal blood flow قليل، معناها kidney function قليلة.

يبقى مين العيان اللي مياخدش Thiazide؟ عد معايا من الأول:

* Allergy.

* Pregnancy.

* Gout.

* Diabetes mellitus.

* Renal impairment & insufficiency.

أمال ايه الميزة اللي فيه بقي؟

ان الدواء ده ليه anti diuretic effect في عيان واحد، وهفضل طول السنة متلغبط ولما تروح أمراض الباطنة هتبقى متلغبط.

يبقى الThiazides action الأساسي بتاعهم diuretics، لكن ممكن يشتغلوا anti diuretics في نوع واحد بس من العيانيين.

فاكر مرض اسمه Diabetes insipidus؟

العيان ده بينزل مية كتير من غير sugar، مشكلته ايه؟ مشكلته في ADH:

* جايز تكون الpituitary مش قادرة تـrelease ADH، يبقى النوع ده اسمه central type أو pituitary type.

* جايز تكون المشكلة كلها في الreceptors الموجودة في الkidney، ده بيسموه nephrogenic type.

العيان ده الوحيد اللي هيعملوا معاه antidiuretic effect، يعنى بدل ما هينزل 30 لتر في اليوم هيبقوا 10.

اشمعنى؟

مش عارفين تفسيرها، بس كتاب القسم كاتبلك انه السبب maybe ان انت قللت الrenal blood flow فقللت الfiltration rate فقللت المية اللي نزلت في الurine.

الaction اللي جاي ده تقريبا Thiazide the most important action of، انه ليه anti-hypertensive effect.

حد عنده تفسير؟

الدواء ده diuretic، والdiuretic معناها انه هينزل مية كتير في الurine، يبقى الblood volume قل والvenous return قل والend diastolic volume اللي هو حجم الدم في نهاية الdiastole قل، ولما يقل الEDV يقل الcardiac output فيقل الضغط.

طيب عايز أقولك بقي ان دي أتفه حاجة في شغل الThiazides في علاج الضغط، الThiazides بيعالجوا الضغط بطريقة أهم مليون مرة، انهم بيعملوا VD of arterioles.

السؤال بقي: ازاي الThiazides بيوسعوا الشرايين؟

الله أعلم، بس عندنا 4 احتمالات:

جايز يكونوا بييجوا علي الsmooth muscles بتاعة الarterioles ويعملوا opening of K⁺ channels، فكر فيها كده، لما فتحت الK⁺ channels يبقى عملت ايه؟ ← efflux of K⁺ hyperpolarization.

معناها ايه؟(relaxed (inhibited.

التفسير نمرة 2:

قبل ما اقولهولك, انت ايه أقوى حاجة سمعتها في الفارما أو الفسيو بتعمل
Noradrenaline؟ vasoconstriction, وهنسمع بعد كده بقي عن Angiotensin II و
Vasopressin.

طيب, لقوا الاتي, لقوا انه عشان يحصل vasoconstriction بالمواد دي اللي موجودة في
جسمك فلازم الشريان يكون فيه $+Na$.
لقوا ان Thiazides بتقلل أوي الـ $+Na$ الموجود في الـ wall of arterioles, وخلي بالك الـ
action ده ملوش علاقة بكونه diuretic؛ لأن هما بس اللي بيعملوها مش كل الـ
diuretics بيعملوها, يبقى بيعملوا حاجة اسمها $+depletion$ of Na في الـ wall of
arterioles.

التفسير التالت:

Thiazides ممكن تزود تصنيع الـ prostaglandins, اللي سمع قبل كده الـ Beta
blockers فكان من ضمن طرق الـ BB في انها تقلل الضغط انهم يزودوا
vasodilator prostaglandins.
كان أشهرهم مين؟ PGI_2 .

طيب عايز دليل ان الـ action ده موجود؟ NSAIDs زي الـ Aspirin بيشتغلوا ازاى كلهم؟
كلهم بيمنعوا تصنيع الـ prostaglandins, فلقوا فعلا ان لما تدي NSAID مع Thiazide
هيقل شغل الـ Thiazide في علاج الضغط, يبقى النظرية دي صح.

نظرية نمرة 4:

يقال ان الـ Thiazides بيعملوا block of Ca^{2+} channels, ومفهومة طبعا, ما دام قللت
دخول الـ Ca^{2+} يبقى يحصل contraction.

طيب, علاج الضغط Thiazide ولا loop diuretic؟
قبل ما تجاوب أنا هغششك ان الـ loop diuretic أقوى من الـ Thiazide كـ diuretic, ولكن
الـ Thiazide بيعمل حاجة حلوة أوي أوي مبتقدرش الـ loop diuretics تعملها, ان الـ
Thiazides are vasodilators.

يبقى في علاج الضغط تبدأ بـ Thiazide or loop diuretic؟
تبدأ بـ Thiazide مع ان مش هو الأقوي, بس أنا استفدت من حاجة مهمة أوي هي الـ
vasodilation.

اللي هيجاب السؤال اللي جاي ده يستحق مكافأة والله:
امتى الـ loop diuretics تبقي أحسن من الـ Thiazides في علاج الضغط؟
حاجتين مهمين أوي:

- العيان اللي عنده ضغط وعنده renal insufficiency؛ عشان لو اديته Thiazide يبقى
صلحت الضغط بتاعه بس بوظت الكلية.

- نمرة 2 اللي عنده acute emergency hypertension, acute
هما الـ Thiazides ينفع يعملوا حاجة في الـ acute؟ لأ, مبيتأخدوش الا أقراص وبالتالي not
used in acute conditions.

عرفنا بقي بقية actions:

يُعملوا hyperglycemia, كتاب القسم كاتبتك التفسير:
 انت عارف ان B cells بتاعة pancreas بتصنع insulin وبعد كده insulin بيحصله
 release, طيب عشان يحصله release كان لازم يحصل ايه في الخلية؟
 لازم يحصل depolarization وبعدين يدخل Ca^{2+} وبعد كده يروح عامل release.
 بص بقي Thiazides بيعملوا ايه في الخلية دي, بردو يفتحوا K^{+} channels, خلاص
 كده وصلت الفكرة؟ زي ما فتحوها في الشرايين فعملوا hyperpolarization.
 عرفنا بردو انهم بيعملوا hyperlipidemia, احنا منعرفش الحقيقة mechanism واضح,
 لكن هما بيعملوا cholesterol والتريجليسيريد triglycerides, يبقى علي المدي البعيد ممكن يعملوا
 مشاكل.
 وعرفنا ليه ممكن يحصل معاهم hyperuricemia.

:Therapeutic uses

خلاص بقي من غير أي مذاكرة, ايه استعمالات diuretics؟
 (1) وعائزك كده دايمًا تبدأ بالأهم: أهم استعمال انهم بينزلوا مية, يبقى أهم استعمال هيبقي
 للعيان اللي محوش مية اللي هو عنده edema.
 مشكلتنا في سنة تالته اتنا بنكلمك عن أمراض انت ما تعرفش عنها حاجة, الـ edema دي
 ليها 3 أسباب كبيرة:
 - السبب الأهم بالنسبة لي اسمه cardiac, يكون العيان عنده مرض اسمه congestive
 heart failure.
 - السبب الثاني انه يكون فيه حاجة في الـ liver زي liver cirrhosis, بيسموها hepatic
 edema.
 - السبب الثالث انه يكون فيه مشكلة في الـ kidney, زي حاجة اسمها nephrotic
 syndrome, يبقى هيعمل renal edema.
 هو ايه effect بتاع Thiazides علي الـ kidney؟
 بيقللوا renal blood flow, يعني المفروض كده بيعملوا مشكلة في الـ kidney.
 طيب الـ nephrotic syndrome دي معناها ان الـ kidney بتكون شوية بروتين لكن الـ
 kidney function مش وحشة أوي, فمش قلقان أوي ان أنا أدّي Thiazide.
 فكر معايا بقي:
 هيعالجوا أنهي edema؟ acute or chronic؟
 chronic عشان بيتاخدوا oral.
 طب بيعالجوا mild, moderate or severe edema؟
 mild & moderate عشان they are moderate diuretics.
 (2) الاستعمال نمرة 2 ويمكن الاستعمال الأهم هو انهم بيعالجوا hypertension.
 (3) الاستعمال نمرة 3 هو العيان اللي عنده nephrogenic type of diabetes insipidus
 (4) الاستعمال نمرة 4 حاجة اسمها
 premenstrual syndrome or premenstrual migraine

قبل menstruation يبقى level بتاع estrogen عالي شوية فيحوش مية وملح, وده غير انه بيعمل edema بيعمل ساعات نوع من CNS irritability, يعنى تلاقي الستات في فترة premenstruation دي متوترين وعصبيين وaggressive أوي, وفيه نظرية بتقول ان الستات لما بيرتكبو الجرايم الفظيعة دي اللي طلعت دلوقتي, يعنى المرأة والساطور والأكياس البلاستيك, دي بيقال انهم بيبقوا under tension بتاع الpremenstrual syndrome.

الفكرة هنا اني أدي حاجة تقلل الvolume of blood.

(5) الاستعمال الأخير كلمة لما بنسمعها كده بنتضايق أوي من الطب, كلمة اسمعا idiopathic hypercalciuria, idiopathic يعنى مش عارفين سببه, وhypercalciuria معناها كالسيوم كثير نازل في الurine لسبب غير معلوم. ايه مشكلة الكالسيوم اللي نازل في الurine ده؟ هيعمل stones, أنا بقي بدي ساعتها Thiazide, مش عشان diuretic ولا حاجة لأعشان بيقفل ال Ca^{2+} في الurine فيقدر يقلل الattacks بتاعة الhypercalciuria. فيه ناس كانوا بياخدوه زمان في الhypocalcemia والosteoporosis عشان يعلي الblood calcium, دلوقتي فيه عندنا أدوية كثير أحسن منه.

:Adverse effects

الجزء الجاي مش محتاج أقولهولك خالص, انت عارفه خلاص بس هنقوله مع بعض كده: 1 - K⁺ هيقفل (hypokalemia), يبقى ده أخطر عيب. العيان هنا بيشتكى من ايه؟ بيحصل شوية excitability زيادة في القلب ويدخل العيان منك في arrhythmia.

العيب التاني لما البوتاسيوم يقل ان العيان بيحس بfatigability & muscle weakness البوتاسيوم لازم عشان الmuscle contraction وممكن يعمل headache. ممكن علي فكرة في بعض الرجالة يعمل sexual disturbance.

الأخطر من كده بقي انه لما بيحصل hypokalemia يبقى احتمال عالي أوي انه يحصل حاجة اسمها Digitalis toxicity, طبعا ده مش هنتكلم فيه دلوقتي, المهم انه لما يقل الK⁺ أو الMg²⁺ أو يعلي ال Ca^{2+} بيحصل تسمم Digitalis, الThiazide بقي عمل ايه في الثلاثة دول؟ الثلاثة, فلانم أعمل حسابي لو باخد Thiazide مع digitalis لازم اظبط الdose, كمان لو حصل والبوتاسيوم قل ممكن يعمل kidney & liver failure لو كانوا تعبانين.

السؤال بقي المهم, مادام انت سيادتك عارف كل البلاوي بتاعة الhypokalemia, يبقى how to avoid hypokalemia؟

* أدي مع الThiazide حاجة تعلي الK⁺, بان انت تحط معاه مجموعة الأدوية اللي اسمها Potassium sparing diuretics.

* الحلول التانية هنقولها عشان النظري انما في الطب غالبا بنكتفي بالحل ده: ممكن أستعمل الThiazide ده intermittent, يعنى أقول للعيان خده يوم بعد يوم, أو خد الدوا ده ومتاخدوش يوم الخميس والجمعة.

علي فكرة اللي بياخد diuretic هتلاقية بياخده ع الريق، حد عارف ليه ع الريق؟ وليه الصبح مش بالليل؟

علي معدة فاضية عشان أتأكد انه هيمتص كويس، عشان لو فيه أكل مش هيمتص كويس، والصبح لأنه diuretic يعنى هيوديه الحمام كثير، فلو اخده بالليل مش هيعرف ينام.

* الحل الثالث بقي بتاع الجماعة المرفهين في أوروبا بقي هو fruit juice، عصير برتقال تفاح موز وكلام بالنسبة لنا ممكن يكون خرافي شوية، العيان بتاع مصر لو اديته الحاجات دي يزعل.

* الحل الأخير اني أديله K+ كدوا، حاجة اسمها K+ supplement، K+ ده فيه منه أقراص، حاجة اسمها slow release potassium tablets، ودي very irritant وبتقلب المعدة بشكل رهيب جدا وممكن في بعض الأحيان تعمل قرحة، فأحسن منها شوية K+ serum.

أحكيلكوا حاجة، أول ما اتخرجت الواحد بيبقي مش عارف الحاجة مكسوف يقول انه مش عارف، البوتاسيوم أقراص بالانجليزي اسمه slow K يعني slow release، يعني تاخد القرص يقعد معاك 24 ساعة، بمكتوب بالعربي كده "سلو كيه"، فجاي لي عيان بيقولي أنا باخد سلوكيه فأنا طبعا اتكسفت وقتله طب ما شاء الله، امشي علي السلوكيه ده وخير باذن الله: D فنزلت للصيديلي بقي وقتله انتو عندكوا دوا اسمه سلوكيه؟؟! قالي بقي ان هو قصده علي slow K اللي هو مشهور أوي، بس زي ماقلتلك عيبه انه بيعمل irritation. باقي عيوب الThiazide خلاص كلها اتعرفت بقي، hypo, hypo, ..., hypo ايه بقي تاني غير hypokalemia؟

2 - Hypomagnesemia:

وعلي فكرة ال-Mg²⁺ زي ال-K+ يعمل تقريبا نفس البلاوى دي.

3 - Hyponatremia.

4 - Hypovolemia.

5 - Hypochloremia.

6 - Alkalosis.

وبيعمل ايه بقي hyper؟

7 - Hypercalcemia.

8 - Hyperuricemia.

9 - Hyperglycemia.

10 - Hypersensitivity:

اللي هي ايه الhypersensitivity دي؟

allergy وcross allergy مع الSulfonamides.

11 - Hyperlipidemia.

12 - ويعمل مشاكل في الحوامل (fetotoxic)

13 - ويعمل GIT disturbance وbone marrow inhibition بس مش common أوي.

- انتو عارفين معنى bone marrow inhibition؟
 يعني الخلايا اللي طالعة من bone marrow تقل:
 هو كان بيطلع leukocytes, RBCs & platelets.
 * لو قلت Aplastic anemia ← RBCs.
 * لو قلت leukocytes أو neutrophils يعني Neutropenia ←.
 * لو قلت Thrombocytopenia ← platelets.
 * لو كله قل Pancytopenia وطبعا مهباش common.

:Contraindications

- أنا عايزك بقي من غير ما تبص في الكتاب تقولي مين العيان اللي مياخدش Thiazide؟
1. Allergic.
 2. Pregnancy.
 3. Gout.
 4. Diabetes mellitus.
 5. Renal impairment.
 6. اللي داخل في Digitalis toxicity.
 7. اللي عنده advanced liver disease.
 8. كتاب القسم كاتب كده وعمايز حد يفسر هالي بقي: ممنوع أدي Thiazide مع Corticosteroids.
- مين فاكرا ان corticosteroids ليهم حاجة اسمها aldosterone-like action؟ بيعمل ايه الaldosterone بقي؟
 بيعمل Na⁺ & water retention وفي مقابل الNa⁺ بينزل الK⁺, يبقى ده بالنسبة لي الCortisone.
- تعالى نبص ع Thiazides, دول بينزلوا Na⁺ & K⁺ في urine, يبقى انت خايف من ايه؟
 الصوديوم مش مشكلة لأن فيه واحد فيهم بيحوش الصوديوم والتانى بينزله, المشكلة الأهم بقي ان الاتنين بيعملوا hypokalemia.
- مرة جه في امتحان: قولي 4 أدوية يعملوا hypokalemia, ومرة بعدها بقي 4 أدوية بيعملوا hyperkalemia:
- * اللي بيعملوا Thiazides, Cortisone & β_2 agonists ← hypokalemia.
 - * اللي بيعملوا hyperkalemia هما β blockers.
- هنجمع في الآخر كل الحاجات دي.

:Preparations

- ده الجزء الأخير في الThiazides, اللي يهمنى في الThiazides هو دوا اسمه Chlorothiazide, سهلة.
- والدوا نمرة 2 أشهر دوا في الThiazides اسمه Hydrochlorothiazide, ومش مهم الباقيين, ومكتوب جنبهم water soluble وكلام كثير كده,

لهم افكر انهم of short duration.
بعد كده دوا نمرة 6 في الكتاب اسمه Polythiazide, اختاروا ده كنموذج للlong acting.

:Thiazide analogues

دي مجموعة أدوية شبه الThiazide في action ولكن مش شبههم في الكيمياء.
طيب, فيه دوا اسمه Chlorthalidone, ودوا اسمه Indapamide, ده دوا مهم, كنا زمان
متعودين في امتحاناتنا نجيب أسئلة long ونجيب كام دوا كده short, الIndapamide كان
من ضمن الأسئلة اللي بتيجي كتير short.

:Indapamide

الدوا ده بيعالج الضغط in sub-diuretic dose, حد عارف الكلمة دي معناها ايه؟ يعني
جرعة مبتعملش diuresis, أmaal بتعالج الضغط ازاى؟ بالvasodilation, هو هنا محدد ال
mechanism, قالك الIndapamide ده بيوسع الشرايين, اللي هي رابع mechanism by
blocking Ca^{2+} channels.

طيب الindapamide بيعالج الضغط بجرعة أصغر من اللي بتعمل diuresis عن طريق
vasodilation, ملوش علاقة بقي بالelectrolytes ولا glucose ولا uric acid, يعني عايز
يقولك ايه؟ ان هو فيه مزاي كانت عيوب للThiazides.

معتمد علي biliary secretion ودي فيها ميزتين: أي دوا بيحصله excretion في الbile
وليس عن طريق الkidney أقدر استعمله وأنا مطمئن أوي لو العيان ده عنده renal
impairment لوالعيان ده عنده مشكلة في الكلية واديته دوا بينزل في الurine لازم
ساعتها اظبط الdose لكن لو نازل عن طريق الbile يبقى safe
الميزة الثانية بقي, فاكرين حاجة اسمها entero-hepatic circulation؟ الدوا اللي بينزل في
الbile ممكن جزء منه يرجع يمتص ويشغل, دي تؤدي الي long duration.
طب ايه ميزة ان الدوا يبقى long acting؟
أقل الfrequency of intake وده يؤدي الي تحسين الcompliance, يعني العيان هتبقى
استجابته أحسن.

سيبك من شوية الأدوية اللي بعده, اخر دوا اسمه Metolazone, ده بس من ضمن الأمثلة
اللي جت قبل كده في الMCQ.
يبقي كده خلصنا مجموعة الThiazide diuretics.

:Loop diuretics

هما شبه الThiazides أوي ما عدا شوية كلام بسيط كده.
هما أقوى مجموعة وسميهاهم high efficacy diuretics.
لو بتكلم علي أسامي فهو بادئ في الكتاب علي طول بالأسماء بتاعة الأدوية, الFrusemide
ده أشهر دوا وبيتكتب بطريقتين واللاتين صح (Furosemide = Frusemide), طبعا الاسم
التجاري المشهور بتاعه هو Lasix.
اعرف كمان عشان الMCQ الTorsemide وBumetanide, دول كلهم Sulfonamides.

حد فاكّر بقي ان الThiazides كانوا شبه الSulfonamides؟ طب دي كانت حاجة حلوة ولا وحشة؟ وحشة لأنها بتعمل allergy وcross allergy. بس كانت حلوة في حاجة صغيرة كده، انهم بيعملوا inhibition of carbonic anhydrase enzyme، فده ممكن يزود شوية الdiuretic effect. فيه الاحسن منهم بقي ال non Sulfonamide، اللي هو Ethacrynic acid، ياريت نفتكره لأنه جه قبل كده سؤال MCQ واعتبروه سؤال تعقيد: All of the following loop diuretics are contraindicated in patients allergic (to Sulfonamides, except ... (Ethacrynic acid

Frusemide

عايزك كل حاجة نقولها تفكر في الThiazides.

:Pharmacokinetics

الLoop diuretics بيقوا well absorbed orally، والThiazides كانوا كده بردو. طب بص كده، الLoop diuretics بيتاخدوا oral & IV، الThiazide كان أخباره ايه؟ oral بس، يبقى ايه ميزة الLoop diuretic؟ تعالج acute & chronic. طب نمرة 2 مقلناهاش مع الThiazides: Loop diuretics are extensively bound to plasma proteins. وكده بتزيح الأدوية الضعيفة، وأشهر دوا ضعيف بتزيحه هو الWarfarin. يبقى ليه لما أدي Frusemide مع Warfarin أنزف؟ لأن Warfarin is displaced by Frusemide. معلش حكاية الmetabolism دي طنشها. الدوا ده بيحصله active secretion in PCT، وأخبار الThiazide ايه؟ هي هي. مين فاكّر بقي لما أنزل Thiazide أو Loop diuretic جوه الlumen كانت حاجة حلوة ولا وحشة؟ حاجة كويسة عشان هو بيشغل جوا النفرون. طيب ايه رأيك في الuric acid؟ الThiazide والLoop diuretics هما اللي هينزلوا والuric acid هو اللي هيقعد في الدم، يبقى الاتنين بيعملوا hyperuricemia. طب ايه رأيك في الProbenecid؟ بيعمل ايه فيهم همّا الاتنين؟ هو اللي هينزل والThiazide & Loop diuretics مش هينزلوا، فيقلل الeffect بتاعهم as diuretics. ليهم short duration & rapid onset. طب ايه رأيك في الThiazide؟ كان ليه delayed onset والduration كانت علي حسب، فيه منهم long وفيه short.

:Pharmacodynamics

- 1 - أول action هو diuretics
واتفقنا مع بعض لما أقولك diuretic يبقى تقولي هيشغلوا فين site, وتقولي potency وكمل باقي الكلام:
Thiazides كانوا بيشتغلوا فين؟ proximal part of DCT, وكانوا of moderate potency.
بص بقي, Loop diuretics بيشتغلوا في حثة اسمها thick segment of ascending limb of loop of Henle, اللي هي كانت بتعمل حاجة في الفسيو اسمها counter current multiplier.
وهما اقوي مجموعة (of high potency).
الaction بتاعهم, هما بييجوا هنا ويمنعوا انه يحصل Na^+ , K^+ & Cl^- reabsorption, يبقى electrolytes دي تدخل جوا النفرون وتسحب وراها مية الى بيسموها isosmotic amount of water
يبقى عملوا ايه في urine وعملوا ايه في الدم؟
* نزلوا Na^+ كثير في urine, وده اسمه natriuresis, ويبقى في الدم hyponatremia.
* نزلوا K^+ في urine, يبقى عملوا kaluresis و hypokalemia.
* نزلوا Cl^- في urine, يبقى عملوا chloruresis و hypochloremia.
سؤال للناس اللي فاهمة بقي, هما بيعملوا hypokalemia ليه؟ بلاش السؤال ده, هم ال Thiazides عملوا hypokalemia ليه؟
عشان اخواتنا اللي في ال DCT اتفاجئوا ان جالهم صوديوم أكثر من المعتاد, كان المفروض يبقى صوديوم قليل يقدروا يرجعوه وينزلوا في المقابل K^+ و H^+ .
هو اللي حصل ان انت منعت رجوع الصوديوم, فالصوديوم اللي جاي لل DCT زاد قوي, فبدأ يحصل نفس الحكاية, بيحاولوا يرجعوا الصوديوم وينزلوا في المقابل K^+ & H^+ , عشان كده عملوا hypokalemia وعملوا مشكلة اسمها alkalosis.
اخبار pH بتاعة urine ايه؟
نفس الكلام, ال H^+ كثير, يبقى urine حصل له acidification.
الكالسيوم كان أخباره ايه مع ال Thiazides؟
كان بيعلي في الدم ويقل في urine, ال Loop diuretics بتزود بقي ال Ca^{2+} اللي نازل في ال urine, يبقى ده فرق مهم بين الاثنين, يبقى Loop diuretics بيهملوا hypocalcemia.
ال Mg^{2+} وال uric acid هو هو نفس الكلام.
طب فكرنى بقي, بالنسبة لل renal blood flow (RBF), فيه فرق بين الاثنين ولا لأ؟
أنا عارف ان Thiazides كانوا بيقللوا ال RBF.
ال Loop diuretics بقي العكس, كان من ضمن مزاياهم increase RBF.
أقولك التفسير: بيزودوا تكوين ال vasodilator prostaglandins عند kidney بس.
ممکن تثبت ان ده ال mechanism؟ ادي ال NSAID زي ال Aspirin هتبص تلاقي ال RBF يقل, يبقى أكيد السبب كان زيادة ال prostaglandins.

- 2 - action نمرة 2 بتاعهم هو: anti-hypertensive
 Thiazides كانوا بيعلوا الضغط عشان diuretics ولا عشان vasodilators؟ عشان
 vasodilators أكثر حاجة.
 loop diuretics بقي عشان they are diuretics ملهوش تأثير علي systemic
 blood vessels.
 3 - hypoglycemia نفس الكلام، هيققل insulin release زي ما عمل Thiazide.
 4 - hyperuricemia هي هي،
 5 - hyperlipidemia نفس الكلام.

:Therapeutic uses of Frusemide

- نيجي بقي للاستعمالات:
 انت عارف أهم استعمالات: diuretic يبقي بيعالج edema والضغط.
 1 - بيعالجوا أنهى edema؟ هو كان ايه أسبابها؟ cardiac, hepatic & renal.
 يعالجوا acute ولا chronic؟ الاثنين لأنهم بيتأخدوا oral & IV.
 يعالجوا mild & moderate ولا أحسنلي أخليهم للsevere & resistant؟
 هما بيعالجوا كله طبعا، لكن من باب أولي أخليهم للsevere & resistant.
 نفس الكلام بالظبط، الحاجة الوحيدة اللي زادت: مكتوب في heart failure حاجة اسمها
 acute left ventricular heart failure، هقولك وقتها ان شاء الله ان من ضمن مزاي
 loop diuretics انهم مش بس بيعملوا diuresis، دول كمان بيعملوا venodilation.
 أمال الThiazides يعملوا ايه؟ arteriodilation، عشان كده بيعالجوا الضغط كويس.
 لكن الLoop diuretics مش arteriodilators ما عدا فين؟ في kidney، لكنهم عموما
 بيوسعوا veins، وهنسمع ان شاء الله انها لما تعمل venodilation يبقي بتقلل ال
 congestion بتاع heart.
 بيعالجوا حاجة اسمها cerebral edema، ودي مية كتير جوا الCSF فبدأت تعمل
 compression علي الbrain والvital centers، ممكن ساعتها أدي Frusemide IV يصلح
 المشكلة.
 2 - استعمالاته في hypertension:
 وده عشان بعد كده مهم ليك لما تبقي دكتور، ان علاج الضغط تختار Thiazide، امتى أختار
 Loop diuretic؟ لو عندي مع الضغط renal impairment، ودول كتير أوي من المرضي لو
 فيه emergency hypertension، ولو الضغط متصلحش بقي ودي حاجة اسمها severe
 or resistant hypertension.
 3 - بيعالجوا الacute renal failure، الهدف منهم اني أزود الrenal blood flow.
 4 - ويعالجوا طبعا hypercalcemia باعتبارهم بيققلوا الكالسيوم في الدم.

:Side effects

احنا مش هنكررها, العيوب بتاعتهم as Thiazides ما عدا شوية حاجات بسيطة.
 هناك الكالسيوم كان بيعلي لكن هنا بيقل في الدم, والrenal blood flow كان هناك بيقل
 لكن هنا مش بيقل, والباقي نفس الكلام hyper و hypo.

الحاجة بقي اللي تحتها مليون خط هي ototoxicity, اوعي تنسي ان Loop diuretics
 ممكن يعملوا damage لل8th cranial nerve (vestibulo-cochlear nerve) المستول
 عن equilibrium وعن hearing, وغالبا بيأثر علي hearing وممكن يعملوا
 deafness ع المدي البعيد, طبعا لو اديت معاهم مثلا Aminoglycoside antibiotic
 كمان يبغي انت ناوي تبوظ السمع بقي طالما اديت معاهم دوا تاني بيعمل نفس المشكلة!
 ونفس الكلام بقي بتاع GIT وانه fetotoxic والكلام ده.

:Contraindications

هي هي بالظبط اللي فاتت ما عدا واحدة: renal.